



TOSHKENT DAVLAT YURIDIK UNIVERSITETI REKTORINING B U Y R U G ' I

06.06.2023

89-um-son

Toshkent davlat yuridik universiteti qoshidagi M.S. Vosiqova nomidagi akademik litsey bitiruvchilariga tavsiyanomalar berish masalasini ko'rib chiquvchi komissiya faoliyatini tashkil etish to'g'risida

O'zbekiston Respublikasi Prezidentining 2020-yil 29-apreldagi "O'zbekiston Respublikasida yuridik ta'lim va fanni tubdan takomillashtirish bo'yicha qo'shimcha chora-tadbirlar to'g'risida"gi PF-5987-son Farmoni hamda Toshkent davlat yuridik universiteti qoshidagi akademik litseyning bitiruvchilarini Toshkent davlat yuridik universitetiga yakka tartibda suhbat o'tkazish orqali o'qishga qabul qilish tartibi to'g'risidagi nizomga (ro'yxat raqami 3308, 2021-yil 9-iyun) muvofiq,

BUYURAMAN:

1. Toshkent davlat yuridik universiteti qoshidagi M.S. Vosiqova nomidagi akademik (keyingi o'rinlarda – akademik litsey) bitiruvchilariga tavsiyanomalar berish masalasini ko'rib chiquvchi komissiya (keyingi o'rinlarda – maxsus komissiya) tarkibi ilovaga muvofiq tasdiqlansin.

2. Maxsus komissiya raisi o'rinbosari D. Avezov:

joriy yilning 20-iyunigacha bitiruvchilarning arizalarini qabul qilish hamda joriy yilning 20-iyunidan boshlab besh ish kunidan oshmagan muddatda ularning hujjatlarini ko'rib chiqilishini tashkil qilsin;

tavsiyanoma berish masalasi ko'rib chiqilayotganda, maxsus komissiya o'rnatilgan asosiy minimal talablarni hisobga olishga qat'iy e'tibor qaratsin;

maxsus komissiya qarori asosida belgilangan muddatlardan kechikmasdan buyruq qabul qilinishi hamda tavsiyanoma olgan bitiruvchilar ro'yxatini ilova qilgan holda Toshkent davlat yuridik universiteti qabul komissiyasiga yuborilishini ta'minlasin.

3. Devonxona (X. Abdullayev) mazkur buyruqni manfaatdor tarkibiy bo'linmalar va akademik litseyga yetkazilishini ta'minlasin.

4. Ushbu buyruqning bajarilishini nazorat qilishni o'z zimmanda qoldiraman.

Rektor v.v.b.



I.RUSTAMBEKOV

Toshkent shahar

Kiritildi:

Bo‘lim boshlig‘i

B.AVAZOV



Kelishildi:

Bo‘lim boshlig‘i

S.MAMANAZAROV



Ijrochi direktor

SH.MAXMUDOV



Katta yuriskonsult

A.TURSUNOV

